



Na osnovu člana 69. stav 2. tačka d), člana 70. st. 1. 4. i 6. Zakona o javnim nabavkama („Sl. glasnik BiH“, broj 39/14) i Rješenja Ureda za razmatranje žalbi broj: JN2-01-07.1-2305-10/20 od 24.09.2020. godine, u otvorenom postupku za proširenje i izgradnju javne rasvjete u gradu Zenica, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za proširenje i izgradnju javne rasvjete u gradu Zenica u skladu sa članom 69. stav 2. tačka d) Zakona o javnim nabavkama, iz razloga što nijedna od primljenih ponuda nije prihvatljiva.

Član 2.

Stavlja se van snage Odluka o izboru najpovoljnijeg ponuđača broj: 02-11-1950-8/20 od 12.08.2020. godine.

Član 3.

Za izvršenje ove odluke zadužuje se i ovlašćuje Služba kabineta Gradonačelnika.

Član 4.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-1950/20 od 05.02.2020. godine.

Obavještenje o nabavci broj: 1355-1-3-45-3-12/20 objavljeno je na Portalu javnih nabavki dana 05.02.2020. godine i u Službenom glasniku BiH broj: 11/20 od 14.02.2020. godine.

Procijenjena vrijednost za predmetnu nabavku iznosila je 5.000.000,00 KM bez PDV-a.

Na Odluku o izboru najpovoljnijeg ponuđača 02-11-1950-8/20 od 12.08.2020. godine, uložena je žalba. Ured za razmatranje žalbi, donosi Rješenje, broj: JN2-01-07.1-2305-10/20 od 24.09.2020. godine, kojim usvaja žalbene navode. Postupajući po Rješenju URŽ, Ugovorni organ dolazi do zaključka da niti jedna primljena ponuda nije prihvatljiva.



Ponudač „DEMA – S“ d.o.o Mostar

U tački 4.7. tenderske dokumentacije je propisano da se ponuda dostavlja na jednom od službenih jezika u Bosni i Hercegovini, na latiničnom ili ćirilicnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini. Izuzetno dio popratne dokumentacije (katalozi, brošure, prospektni materijal, sertifikati i sl.) može biti i na drugom jeziku.

Ponudač je dostavio certifikate na engleskom jeziku, a pri tome nije dostavio prevod na jednom od službenih jezika u BiH.

Na stranici 690. ponude ponuđača “DEMA – S” d.o.o Mostar date su fotometrijske karakteristike ponuđene svjetiljke Izilym 1 iz kojih se jasno vidi da je :

1. Snaga svjetiljke 30 W
2. Svjetlosni tok izvora 4.898 lm
3. Efikasnost svjetiljke 137,7 lm

Ugovorni organ je Elaboratom modernizacije i proširenja javne rasvjete na području grada Zenica, zahtijevao da svjetiljke imaju sljedeće karakteristike:

LED svjetiljke tip V ukupne snage sistema do maksimalno 40 W, sa minimalnim ili boljim karakteristikama od sljedećih:

Efikasnost svjetiljke 120 lm/W, svjetlosni tok LED izvora 4800 lm.

Kako ugovorni organ tenderskom dokumentacijom nije dozvolio raspone, odnosno minimalna i maksimalna odstupanja u pogledu zahtjevanih karakteristika predmetne nabavke, to isti zaključuje da ponuda ponuđača “DEMA – S” d.o.o Mostar u ovom pogledu ne ispunjava postavljene zahtjeve.

Ugovorni organ je tenderskom dokumentacijom tačkom 3.3. u svrhu dokazivanja tehničke i profesionalne sposobnosti od ponuđača zahtijevao Izvještaj o testiranju otpornosti na udar (IK) test prema standardu EN 62262.

Ponudač „DEMA – S“ d.o.o Mostar je kao dokaz u svojoj ponudi, na stranici 672. dostavio Laboratory test report izdat od strane R-Tech, Mechanical impact test od 27.11.2019. godine iz kojeg je vidljivo da je riječ o standardu IEC/EN 62696. Kako Ugovorni organ tenderskom dokumentacijom nije ostavio mogućnost pozivanja na ekvivalentne standarde, ponudač „DEMA-S“ d.o.o. Mostar nije ispunio zahtjev postavljen tačkom 3.3. Tenderske dokumentacije.

Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad

U tački 4.7. tenderske dokumentacije je propisano da se ponuda dostavlja na jednom od službenih jezika u Bosni i Hercegovini, na latiničnom ili ćirilicnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.

Izuzetno dio popratne dokumentacije (katalozi, brošure, prospektni materijal, sertifikati i sl.) može biti i na drugom jeziku.

Ponudač je dostavio certifikate na engleskom jeziku, a pri tome nije dostavio prevod na jednom od službenih jezika u BiH.

Ugovorni organ je u Elaboratu modernizacije i proširenja javne rasvjete na području grada Zenica, u prilogu 1 – Parametri za svjetlotehnički proračun zahtijevao da prilikom odabira LED rasvjetnih tijela moraju se zadovoljiti parametri klase M5 za saobraćajnice u vangradskoj zoni.



Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad je na stranici 323. ponude dostavio svjetlotehnički proračun u kojem su dati podaci za parametre Lm, Uo, Ui, TI i Rei.

Kako su standardom definisani parametri za klase osvjetljenja saobraćajnice Lm, Uo, Ui, TI i EIR, to Konzorcij „NEXEN“ d.o.o. Banja Luka i „MIG ELEKTRO“ d.o.o. Mrkonjić Grad nije dokazao da ponuđena svjetiljka zadovoljava parametre klase M5 prema zahtjevu iz tenderske dokumentacije.

Konzorcij „ROAMING NETWORKS“ d.o.o. Banja Luka i „ELEKTROMONTAŽA“ d.o.o. Kraljevo

U tački 4.7. tenderske dokumentacije je propisano da se ponuda dostavlja na jednom od službenih jezika u Bosni i Hercegovini, na latiničnom ili ćiriličnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.

Izuzetno dio popratne dokumentacije (katalozi, brošure, prospektni materijal, certifikati i sl.) može biti i na drugom jeziku.

Ponuđač je dostavio certifikate na engleskom jeziku, a pri tome nije dostavio prevod na jednom od službenih jezika u BiH.

Na stranici 343., te na stranici 373. ponude konzorcija „ROAMING NETWORKS“ d.o.o Banja Luka i „ELEKTROMONTAŽA“ d.o.o. Kraljevo date su fotometrijske karakteristike ponuđene svjetiljke Izilym 1 iz kojih se jasno vidi da je :

1. Snaga svjetiljke 30 W
2. Svjetlosni tok izvora 4.898 lm
3. Efikasnost svjetiljke 137,7 lm

Ugovorni organ je Elaboratom modernizacije i proširenja javne rasvjete na području grada Zenica, zahtijevao da svjetiljke imaju sljedeće karakteristike:

LED svjetiljke tip V ukupne snage sistema do maksimalno 40 W, sa minimalnim ili boljim karakteristikama od sljedećih:

Efikasnost svjetiljke 120 lm/W, svjetlosni tok LED izvora 4800 lm.

Kako ugovorni organ tenderskom dokumentacijom nije dozvolio raspone, odnosno minimalna i maksimalna odstupanja u pogledu zahtjevanih karakteristika predmetne nabavke, to isti zaključuje da ponuda konzorcija „ROAMING NETWORKS“ d.o.o Banja Luka i „ELEKTROMONTAŽA“ d.o.o. Kraljevo u ovom pogledu ne ispunjava postavljene zahtjeve.

Ugovorni organ je tenderskom dokumentacijom tačkom 3.3. u svrhu dokazivanja tehničke i profesionalne sposobnosti od ponuđača zahtijevao Izvještaj o testiranju otpornosti na udar (IK) test prema standardu EN 62262.

Konzorcij „ROAMING NETWORKS“ d.o.o Banja Luka i „ELEKTROMONTAŽA“ d.o.o. Kraljevo je kao dokaz u svojoj ponudi, na stranici 354. dostavio Laboratory test report izdat od strane R-Tech, Mechanical impact test od 27.11.2019. godine iz kojeg je vidljivo da je riječ o standardu IEC/EN 62696. Kako Ugovorni organ tenderskom dokumentacijom nije ostavio mogućnost pozivanja na ekvivalentne standarde, konzorcij „ROAMING NETWORKS“ d.o.o Banja Luka i „ELEKTROMONTAŽA“ d.o.o. Kraljevo Mostar nije ispunio zahtjev postavljen tačkom 3.3. Tenderske dokumentacije.



Grupa ponuđača „NEIMARI ŠERIĆI“ d.o.o. Zenica“, „TESTINGELEKTRO“ d.o.o. Sarajevo i „BUCK“ d.o.o. Beograd

Na stranicama 322. i 323. ponude konzorcija "NEIMARI ŠERIĆI" d.o.o. Zenica, "TESTINGELEKTRO" d.o.o. Zenica i "BUCK" d.o.o. Beograd je dat tehnički opis za tip V – ulična LED svjetiljka VIHOR 16LED T2 0.7A (BUCK), iz kojih se jasno vidi da ponuđena svjetiljka ima sljedeće karakteristike:

1. instalisana snaga modula (LED izvora) 31.5 W, svjetiljke 30 W
2. efikasnost LED modula na podešenoj struji je 165 lm/W, dok je cijele svjetiljke 126 lm/W
3. podatak o svjetlosnom toku LED izvora (fluks) 5192 lm

Ugovorni organ je Elaboratom modernizacije i proširenja javne rasvjete na području grada Zenica, zahtijevao da svjetiljke imaju sljedeće karakteristike:

LED svjetiljke tip V ukupne snage sistema do maksimalno 40 W, sa minimalnim ili boljim karakteristikama od sljedećih:

Efikasnost svjetiljke 120 lm/W, svjetlosni tok LED izvora 4800 lm.

Kako ugovorni organ tenderskom dokumentacijom nije dozvolio raspone, odnosno minimalna i maksimalna odstupanja u pogledu zahtjevanih karakteristika predmetne nabavke, to isti zaključuje da ponuda konzorcija "NEIMARI ŠERIĆI" d.o.o. Zenica, "TESTINGELEKTRO" d.o.o. Zenica i "BUCK" d.o.o. Beograd u ovom pogledu ne ispunjava postavljene zahtjeve.

Shodno tome, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BIH 6, 72 000 Zenica, u roku od 10 (deset) dana od dana prijema Odluke. Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi.

Broj: 02-11-1950-13/20

Datum: 03.11.2020. godine

DOSTAVLJENO:

- 4 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK:

Fuad Kasumović